

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولتور

نسخه سی ۴۰ پاره در

محرکات

آبونه اولق ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولتور. محتویاتی امور عدلیه به متعلقدر

توجیهات

در سعادت استیناف محکمه سی تجارت قسمی رئیس
عطوفتو عارف بک افندی حضرتلرینه ترفیعاً رتبه
بالا توجیه بیورلمشدر.

تبلیغات

جنحه دعوالرینک انشای محاکمه سنده مدافعه
شهودینک استماعی لازم کلوب کلیه جکته دائر صراحت
قانونیه موجود اولدیغندن بحثله استفسار معاملیه
متضمن معموره العزیز ولایتی استیناف محکمه سی مدعی
عمومیلکندن وقوعبولان اشعار اوزرینه، امور جزائییه ده
مظنون علیه جانبندن مدافعه شهودینک محکمه ج
استماعی کیفیتی اصول محاکمات جزائییه قانوننک جنابات
فصلنده مندرج اولوب جنحه ماده لرینک صورت
محاکمه سنی مین اولان فصل مخصوصده بوکا دائر
بر صراحت موجود بولنماش ایسه ده برائت اصل
اولق قاعده سنک جریانی احکام قانونیه جمله سندن
اوله رق مظنون علیه طرفندن ادعای برائتله در میان
اولان مدافعه نک اقامه شهود ایله اثباتی دفع دعوی
صلاحیته مترتب لازمه معدلندن واولباده وقوع
بوله جق شهادت ایسه تقدیر حکامه عائد مواددن
بولنسنه بناء جنحه دعوالرینده دخی مدافعه شهودینک
استماع اولنه جفی لزومی انجمن عدلیه افاده سیله جواباً
مذکور مدعی عمومیلکه بیان و اشعار قلمشدر.

مفلسک تحقیق دیونی انناسنده منازعه لی اولوبده
محکمه مأموری طرفندن محکمه به تودیع قلنسه جفی
قانون تجارتک ایکی یوز بشنجی ماده سنده محرر بولان
بر دینک مدعی طرفندن عرفحال اعطاسنه حاجت
اولمق سزین محکمه ج محاکمه سی اجرا قلنه جق ایسه ده
بوکی خصوصانده ربع خرج وبالا خره اعلام
خرجی آلتوب آلتیه جفنده وبویله بلا استدعا فصل
ایدلسی لازم کلان دعوی ایچون مطلوبی رد ایدیلان

طرف محکمه به دعوی عرفحالی ایله مراجعت ایدر
ایسه ربع واعلام خرجلری حقنده عین صورته
معامله ایدلمکی لازم کله جکته تردد ایدلکندن
بحثله استفسار معاملیه دائر آظنه ولایتی تجارت محکمه سی
ریاستندن وقوعبولان اشعار اوزرینه، ربع اعلام خرجنک
لزوم استیفاسی خرج تعرفه سنک یدنجی ماده سی
منطوقنجه باعرفحال وقوعبولان دعاوی به مخصوص
اولسنه کوره افلاس ایشلرنده ژور قومیسر طرفندن
محکمه به تودیع اولان و قانون تجارت احکامنجه استدعا
اعطاسنه حاجت اولمق سزین فصل وتسویه سی اقتضا
ایدن منازعات ایچون ربع اعلام خرجی آلتیق لازم
کیز ایسه ده محکمه ج اولباده لاحق اوله جق قراری
حاوی تنظیم اولان اعلام ایچون تعرفه مخصوصه سنه
توفیقاً خرج استیفاسی طبعی وبومثللو بلا استدعا
محکمه ج فصل ایدیلان خصوصات حقنده مطلوبی رد
ایدیلان طرفنک باعرفحال مافوق محکمه به مراجعتی
وقوعنده هم ربع همد اعلام خرجلری اخذ واستیفا
ایدلک مقتضی اولدینی انجمن عدلیه دن افاده اولنغله
اولو ججه کیفیت ذکر اولان ریاسته جواباً بیلدیرلمشدر.

محاکمات مقدماتی

در سعادت استیناف مدعی عمومیلکندن :

اوروپایه فرار و نشریات فسادکارانه به
اجتسار ایدلیکی ادعاسیله متهم یکیشهرلی محی الدین
بک زاده شفیق بن بدرالدین حقنده اصول
محاکمات جزائییه قانوننک اوچپوز یتش برنجی
ماده سی موجبنجه معامله مقتضیه ایفا و محاکمه
غیاییه سی بالا اجرا نتیجه سنده مرقومک ارباب
فساددن اولدینی تحقق ایدرک قانون جزانک
الی سکزنجی ماده سنک فقره اولاسی حکمنه
توفیقاً مؤبداً قلعه بند ایدلمسنه و اوتوز برنجی

ماده قانونیه منطوقنجه حقوق مدنیه دن اسقاط
قلنسنه و مقدما اعلان ایدیلان قرارنامه وجهله
اموالنک اداره ایتدیرلمسنه محکمه جنایتدن حکم
اولنمش و اصول محاکمات جزائییه قانوننک اوچپوز
یتش یدنجی و اوچپوز یتش سکزنجی و اوچپوز
سکسان برنجی ماده لرلیله مواد سائره سی احکامنه
توفیق معامله اولنسی مرجعه بیلدیرلمش اولد.
یغندن مذکور اوچپوز یتش سکزنجی ماده نک
جمله احکامندن اولدینی اوزره اعلان کیفیه
ابتدار اولندی.

مصره فرار و اوراده اجرای مفسدته
اشتغاله اجتسار ایدلیکی ادعاسیله متهم اولان
وقدسی زاده مخلصیه یاد ایدیلان حلب اهالیسندن
قدری افندینک اوغلی اولوب مقدمادعوی و کالتیه
مشغول بولنان فاضل حقنده اصول محاکمات
جزائییه قانوننک اوچپوز یتش برنجی ماده سی
موجبنجه معامله مقتضیه ایفا و محاکمه غیاییه سی
بالا اجرا نتیجه سنده مرقومک ارباب فساددن
اولدینی اکلاشیله رق قانون جزانک الی سکزنجی
ماده سنک فقره اولاسی حکمنه توفیقاً مؤبداً
قلعه بند ایدلمسنه و اوتوز برنجی ماده قانونیه
منطوقنجه حقوق مدنیه دن اسقاط قلنسنه
و مقدما اعلان ایدیلان قرارنامه وجهله اموالنک
اداره ایتدیرلمسنه محکمه جنایتدن حکم اولنمش
و اصول محاکمات جزائییه قانوننک اوچپوز یتش
یدنجی و اوچپوز یتش سکزنجی و اوچپوز
سکسان برنجی ماده لرلیله مواد سائره سی احکامنه

توفیق معامله اولنسی مرجعه بیلدیرلش اولدیغندن مذکور اوچوز یتش سکنجی ماده نك جمله احکامندن اولدیغی اوزره اعلان کیفیتیه ابتدار قلندی .

محکمه تمیز استدعا دأره سندن تنظیم واعطا قلنان ۲۶ تموز سنه ۱۳۱۷ تاریخلی اعلامدر :

درسعادت بدایت محکمه سی مستطقی ایله اخته بولی قضایی بدایت محکمه سی مستطقی طرفندن ویریلان قرارنامه لرك بیکدیگرینه مابین اولسندن دولای تعیین مرجع دعوی طلبی متضمن درسعادت استیناف محکمه سی مدعی عمومیلکی جانبندن ۲۳ اغستوس سنه ۱۳۱۵ تاریخلی مذکره ایله کوندیریلان اوراق باش مدعی عمومیلک مأموریت بهیه سنک ۲۲ ایلول سنه ۱۳۱۵ تاریخلی تبلیغنامه سی ایله برلشدیرلرک محکمه تمیز استدعا دأره سنه تودیع اولغله قرائت ومطالعه اولدی .

مألرینه نظراً قرائنق مهاجرلرندن علی رئیسک واسیلقوقز لیاننده بولنان صندالی سرقله فراز ایتدکری ادعا اولغسندن دولای مظلون علیه اولان حلیم واحد حقارنده قضاء مذکور مستطقلکنجه اجرا ایدیلان تحقیقائده مظلونلرک اقامتکاهی درسعادت اولدیغندن عدم صلاحیته قرار ویریلرک کیفیت درسعادت مستطقلکنجه تودیع ایدلش ومستطقلک مذکورجه دخی جرمک واسیلقوقز لیاننده وقوعبولدیغی ومرقوملرک دخی بوراده بولنه مدقاری جهته تحقیقات مذکورده نك اجرایی صلاحیت خارچنده اولدیغنه قرار ویرلش وشوصورتله ایک مستطقی قرارنامه لری بئنده حاصل اولان ماینتک فعلی محکمه تمیزه عائد بولدیغنه منی تعیین مرجع اولنسی استدعا ومارالذکر تبلیغنامه ده دخی جرمک محل وقوعه نظراً درسعادت مستطقلک عدم صلاحیت قرار و مصاب وموافق قانون کورلدیکندن قضاء مذکور مستطقی قرار نامه سنک نقضی لازم کله چکی انبا اولغشدر .

ایجابی لدی المذاکره مظلونلرک اقامتکاهی درسعادت اولدیغندن بخله محل مستطقلکنجه عدم صلاحیت قرار و اعطا اولغش ایسه ده جرم واقعلک واسیلقوقز لیاننده وقوعبولدیغی ومظلونلرک دخی درسعادتده اقامتکاهلری اولدیغی وکندولرلنک دخی استانبولده بولمقداری اوراق میاننده کوریریلان علم وخبرلر مندرجاتندن اکلاشلدیغنه وشوحواله کوره مظلونلرک اقامتکاه صاحی اولمقداری کبی جرمک وقوعبولدیغی محل مستطقلک دخی قانوناً اجرای تحقیقاته صلاحیتدار بولمسنه منی

اصول محاکات جزائی قانوننک درتیوز اون سکنجی ماده سی موجبجه ذکر اولنان اخته بولی قضایی مستطقی قرارنامه سنک نقضیه کیفیتک قضاء مذکور مستطقلکنجه اجرای تحقیقات اولغق اوزره اوراق مرقومه نك حله اعاده سنه ۲۶ تموز سنه ۱۳۱۷ تاریخنده منفقاً قرار ویرلدی .

اسکوب داخلنده خراجنه قریه سی صغرتماجی قومانولی اجوقفولک ضرباً تعطیل عضوبنه سبیت ویردیکی ادعا قلنمندن طولای جنایتله اتهام اولنان دیمشقوق ولداسپاسونک اوچ سنه مدته کورکه قولنسنه دائرقوصوه ولای استیناف محکمه سی جزادأره سندن ویریلان ایکیوز بکری سکن نومرولی اعلام محکمه تمیز جزا دأره سنجه تصدیق اولغشدر .

بازار کوی قضاسنک اورده کل قریه سندن رژی قولجیسی احمد چاوشک کیفیت قتلندن طولای جنایتله اتهام اولنان نهایت اوغلی میساقک اون بش سنه مدته کورکه قولنسنه دائر خداوندکار ولای استیناف محکمه سی جزا دأره سندن ایکنجی دفعه اوله رواقعطا قلنان یوز سکان اوچ نومرولی اعلام محکمه تمیز جزا دأره سنجه تصدیق اولغشدر .

معلقره رژی اداره سی انبارنک دیواری دلهرک توتون اخذ وسرقت ایتلرندن طولای جنایتله اتهام اولنان آرتین اوغلی بغوص وکرقوقر اوغلی عمله دن آرتینک اوچر سنه مدته کورکه قولنلرینه دائر نکفورطاقی سنجانی بدایت محکمه سی جزا دأره سندن ویریلان الی یوز اون درت نومرولی اعلام محکمه تمیز جزا دأره سنجه تصدیق اولغشدر .

میخالیجک طباوشانلی محله سی اهاالیسندن عرضحاللی عمر افندینک کریمه سی خدیجه خانمک ماده قتلندن دولای جنایتله اتهام اولنان مزبورده نك اوکی اوغلی اون ایکی یاشنده بولنان احمدک صغر سنی حبسیله قرقجی ماده قانونیه توفیقاً کفالت قویه ره ربطیله ولسنه تسلیمه دائرخداوندکار ولای استیناف محکمه سی جزادأره سندن ویریلان یتش الی نومرولی اعلام محکمه تمیز جزا دأره سنجه تصدیق اولغشدر .

بکیجه قضاسنک پدرولی قریه سی اهاالیسندن اوستویان ولد یورکبی قتل ایتسندن دولای جنایتله اتهام اولنان قضای مذکورک بابا کوی قریه سندن نظمی بن بکرک اون بش سنه مدته کورکه قولنسنه دائر سلاتیک ولای استیناف محکمه سی جزا دأره

سندن ویریلان ایکی یوز بکری طقوز نومرولی اعلام محکمه تمیز جزا دأره سنجه تصدیق اولغشدر .

علی باشا چقتلیکی اهاالیسندن استونش طاتونک اوکوزلرلی وصوبایی آندون کورکینک انشای راهده اوکنه چیقهرق جبروشدت استعمالیه استری ویدینه نك مرکبی اخذ وغصب ایتلرندن دولای جنایتله اتهام اولنان حاجی بکلک قریه سی اهاالیسندن اناسطاش ولد طراندا فیلینک بش و آندون ولد کورکینک دخی درت سنه مدته کورکه قولنلرینه دائر پروژه سنجانی بدایت محکمه سی جزا دأره سندن ویریلان اوچ نومرولی اعلام محکمه تمیز جزا دأره سنجه تصدیق اولغشدر .

کسکیم قضاسنک انجان قریه سی اهاالیسندن قربان خواجه اوغلی قیدی قتل قصدیه جرح ایتسندن دولای جنایتله اتهام ایدیلان حکیم اوغلی علینک اوچ سنه مدته کورکه قولنسنه دائر اضررم ولای استیناف محکمه سی جزا دأره سندن ویریلان بدی نومرولی اعلام محکمه تمیز جزا دأره سنجه تصدیق اولغشدر .

درسعادت جنایت محکمه سندن تنظیم واعطا قلنان اعلامدر :

بیک اوچوز اون سکن سنه سی نیساننک اون التنجی کونی صایتیه ده تراموای جاده سنده حافظه عایشه عزیزه خانمی قتل قصدیه جرح ایلدیکی ادعاسیله مظلون علیه اولان وحمل مذکورده پولیس قره غولخانه سنک قارشوسنده کائن ملتیاننک میخانه سنده اقامتله چراقلق ایتدیکی وپاشا لیالی ویکرمی اوچ یاشنده بولدیغی سولیلان ارکری ولد لازارنک جنایتله اتهامه دائر هیئت اتهامه دن تنظیم قلنان مضبطه ایله استیناف مدعی عمومیلکنک ۱۲ ایلول سنه ۱۳۱۸ تاریخلی اتهامنامه سی اوراق مقررعه سیله برابر محکمه جنایتله تودیع قلنمقله بالمطالعه تفصیلاتی اولبایده طوتیلان ضبطنامه دن مستبان اوله جی اوزره اصول محاکات جزائی قانوننک باب ثانیسنک فصل رابعنده محرر اولان معاملات ابتدائیه بعدالافا سنه مرقومه تشرین اولنک بشنجی جمعه ایرتسی کونی مته مرقوم توقیفخانه دن کتوردیلرک وکیلی استبان افندی ومدعی شخصیه عایشه عزیزه خانم واستیناف مدعی عمومی معاوئلرندن ادهم بک حاضر اولمقداری حالدله علناً محاکمه اجراسنه بالابتدار مته مرقومه وکیلنه لازم کلان خطارات قانونیه ایضا قلندقدن صکره

هیئت اتهامیه مضبطه سی واهتمامه ضبط کابی صبحی بکه او قوتدیرلدی .

مذکور مضبطه مظلون علیه ارکرنک حافظه عایشه عزیزه خانمی قتل قصدیه جرح ایلدیکی حقدده اوراق تحقیقیده موجود شهادت ومعاینه راپوری مندرجاتی اتهامه کافی کورلش وحرکتی قانون جزانک یوزسکسانجی ماده سی حکمی مستلزم افعال جنایتیه دن بولمش اولدیغندن جنایتله اتهامه قرار ویرلدیکی محرر واهتمامنامه ده مرقوم ارکرننک مضبطه مذکورده مندرجاتی وجهله اتهام ایلدیکی مسطردر .

اتهامنامه نك خلاصه سی جانب ریاستندن مته مرقومه تعقیه وانبیا ومعاون مومی ایله طرفندن تشریح دعوی اولغشنی معقب مرقوم سولتدیرلرکده فعل مدعایه مجامرتی انکار ولدی السؤال وقعه کونی کندوسی زیاده جه سکر حالدله بولندیغندن مدعیه عایشه خانمک نه صورته جرح اولدیغنی بیلمدیکنی ومنزبوره نی اصلاطائماز وپچاق دخی طاشپاز ایدوکی افاده وتذکار ایلدی .

صورت جریان وقعه مدعیه شخصیه عایشه خانمندن صورلدقده وقعه کونی والدیه سی فاطمه زهرا خانم ایله برابر صایتیه ده تراموای جاده سندن انشای مرورلرنده طائیدیغی برشیخصک بقته باشنه یومروق ایله اورمسیله کندوسی غائب ایدرک یره دوشمنی معقب شخص مرقوم حامل اولدیغی بچاقله صدرنک صاع طرفندن جرح ایلدیکی آتبان ایلدی .

بناءً علیه ۲۶ نیسان سنه ۱۳۱۸ تاریخلی ضبط ورقه سیله مجروحه عایشه خانمک معاینه سی محتوی راپورلر او قوندی .

ضبط ورقه سنده نیسانک اون التنجی کونی مالیه نظارتی خلغاسندن متوفی احمد بکل کریمه سی عایشه عزیزه خانمک صایتیه ده تراموای جاده سندن انشای مرورنده محل مذکورده ملتیاننک میخانه سنده چراق ارکری طرفندن جرح اولدیغنک اخبار ایلدسی اوزرینه درحال مزبورده نك یاقمده اولدیغی خصکی تسا خسته خانه سنه کیدیلرک افاده سنه مراجعت اولدقده والدیه سیله برابر لاجل الزیارة صایتیه ده حریق محلده کائن احباسندن برنک خانه سنه کیتمکده لر ایکن محل مذکورده انشای مرورلرنده طائیدیغی باشی آجیق اورته بولی قره بیتی طیقنازجه برشیخصک آرقه سندن کلوب باشنه یومروقله اورده ق کندوسی سرسلتدیرر دکنصکره بچاقله دخی جرح ایتش اولدیغی افاده و بیان ومرقوم ارکری دخی استجوابنده کندوسی مذکور میخانه اوکنده بولدیغی صروده او طرفه طوغری کلکده اولان مزبوره نی مقسدا معارفه سی اولان زوئجه ظنیه ضرب و جرح ایلدیکی آتبان

ایلدکری مذکور راپورده دخی مزبورده نك صاع ایللی تحتده بشنجی والتنجی مسافه بین الضلعه اوزرنده بر آلت قاطعه اوچیله حاصل ایلدیکی ایک سانیمترو طولنده عمقی جوف صدره نافذ مستعرضاً واقع بر عدد درز اولغش جرحه کورلیدیکی وانصاب صدرک موجودیتله عسرت تنفس حالری مشاهده قلندیغی ونتیجه معاینه سی حاوی راپورده کرک مزبورده نك جرحه وکرک جرحی سی نتیجه سی اوله رق حصوله کلان حالات، مزبوره نی اوتوز کون ایشندن معطل ایدرک جرحیه مذکورده نك مدت مذکورده طرفنده اوچوز غروش اجرت ایله التیام ایلدیکی مسطردر .

قرائت اولنان اوراق مندرجاته قارشو نده یجکی متهمدن عندالسؤال مزبوره نی کندوسی جرح ایلدیکی حقدده بر سوز سولیدیگنی ومدعیه عایشه خانم دخی جرحه سنک ایوم التیام بولیوب ایشلمکده اولدیغی افاده ایلدیله .

مته م ارکرنک حضور مستطقده کی افاده سی قرائت ایتدیرلرکده وقعه کونی جراقلق ایتمکده اولدیغی میخانه ده یلک یکده ایکن زقاق کوپکرنک میخانه دن ایچرویه کیرملریله قولغلامق اوزره زقاعه جقدیغنده او انشاده اورادن کچمکده اولان مدعیه عایشه خانمک اوسته دوشمسلیله مزبوره جرح اولدیغنی افاده وکندوسنک کرک مأمورین ضابطیه وکرک مدعی عمومی به مزبوره نی زوئجه ظنیه جرح ایتدیکی سولیدیکی سؤالنده: «بلکه او یله سولدم» یولنده اعطای جواب ایله وقعه دن بش التی سنه مقدم طاووق بازارنده آشیچی چراقلقی ایتمکده بولندیغی دکانک قارشوسنده کائن برخانه ده اقامت ایدن زوئجه ایله مناسبت پیدا ایدوب مؤخر آصا بونجی خاننده میخانه جی طاشک باننده چراقلق ایتدیکی انشاده مزبوره نك کندوسیه کورشمی ایچون کوندردیکی بر مکتوب اوزرینه مزبورده نك همشیره سی آتیفا قادین برکون دکانه کلرک کندوسی تکدیر ایتدیکی زوئجه ایله مناسبتی دخی بوندن عبارت ایدوکی حکایه «عایشه خانمی یچون اورده؟» دیوواقع اولان سؤالده: «زوئجه ظن ایتدم اوردم» یولنده اقرارماده ایلدیکی اکلاشادی .

نه دیه چکی متهمدن صورلدقده سکوتی اختیار ایلدی . (مابعده صکره به)

قوز غنجقده ساکن چوراجی میشون ایله مسکرات دیوز یوجیسی یودانک اجرای مأموریت حالنده پولیس قومیسری محمد افندی بی ضرب و جرح ایلدکری ثابت اولدیغندن میشونک آلی آی و بودانک اون بش کون حبسلرینه

کوکصوده ساکن صنداللی یشار ایله علی عثمانک بانچوان دیترنک باغچه سندن فصلیه سرت ایلدکری ثابت اولدیغندن یشارک اون کون وعلی عثمانک برهفته مدته حبسلرینه

قهوه جی چراغی حقینک پاره سی سرت ایدن اوزوجی محمدک اوچ آی حبسنه وختام مدنده ضابطه جه کفالته ربطه

سلیانی ضرب ایدن قسام چشمه سنده ساکن آراهه جی حسنک اون بش کون حبسنه آراهه جی حسن اغانی ضرب ایدن چویان عباسک اون کون حبسنه

سر سربلیک ضبط ورقه سیله تبین ایدن ازمرلی واسیل ولد یورکینک برآی حبسنه وختام مدنده ملکسته طرد وتبعیده

آراهه تاجری نیقولاک بی ضرب ایدن آراهه جی زبوندن برلیرا آلهرق مضروبه ویرلنه

میشونک جاملرینی شکست و آرابی ضرب ایدن خاصکوبلی صنداللی پادالک اون بش کون حبسنه قندقلیده قهوه جی شاکر اغانک اوطنه سنه سرت قصدیه دخول ایتش اولان نشان طاشنده ساکن یوسف بن ایوبک اوچ ماه حبسنه وختام مدنده ضابطه جه کفالت آتیه آلمنه

قاسم پاشاده ساکن ابراهیم اغانک تودیع ایلدیکی اچقنی کتم ایله امنیتی سوء استعمال ایلدیکی ثابت اولان عثمان بن محمدک ایک آی حبسنه ومبلغ مذکورک بالتحصیل صاحبه ویرلسنه ورع مقدارنک دخی جزای نقدی اوله رق اخذ واستیفاسه

ملا کورانی محله سنده ساکن انقره لی احمد بن صاری مصطفاک پولیس عبدالوهاب افندی به اجرای مأموریت حالنده حقارت ایلدیکی تحقیق ایتدیکندن اون کون حبسنه

لوقانطه جی قسطنیک قوم قوده عرب زاده زقا غنده ساکن بان بی ضرب ایلدیکی ثابت اولدیغندن اون کون حبسنه

بلاطلی تشکک جی ایساقی ضرب ایدن کوفه جی ایساقدن برلیرا آلهرق مضروبه اعطاسه

چارشوی کیرده ایکجیلک ایدن آرتینک حورانت نام چوجنی ضرب ایلدیکی ثابت اولدیغندن مرقومدن ایک لیرا آلهرق مضروبه اعطاسه

یکی قوده قوچو ایله ایکجی یانینک وعلی ایله حسینک وقوندره یوایجسی سمونل ایله چپاچی احمدک مضارب ایلدکری ثابت اولدیغندن برهفته حبسلرینه حال یوسفک مجروحیته سبیت وردیکی تحقیق ایدن آراهه جی آرتیندن یوزغروش اجرت جراحیه نك تحصیلنه

یکی محله ده کوچک حمام جوارنده ساکن مکتب
خواجہ سی آستانہ علی علقونک مریم انا کلیسا سہ مخصوص
پایاس او طہ سندن اچہ سرقت ایلدیکی ثابت اولدیغندن
اوج آی حبسنه وختام مدت جزائیہ سنده ضابطہ جہ
کفالتہ ربطہ

بلا طہ ساکن ایساق لہ وینک مانیف طورہ جی
یا قوی ضرب ایلدیکی ثابت اولدیغندن اون کون حبسنه
در سعادت، بک اوغلی واسکدار بدایت محاکمی جزا
دائرہ لنجہ قرار ویرلشدور.

اعلانات

ارضروم استیناف محکمہ سی مدعی عمومیلکنده :

ارزنجانک کوپہ سی قریہ سی ساکنلرندن ممونک
حسین اوغلی صدیق و شکری و محمد اوغلی حسینک
مادہ جرحلرندن طولانی مظنون بولسان قریہ
مزبورہ لی طورسون اوغلی سلیمانک فعل مذکورہ
مجاہرتلہ فرار ایلدیکی اولبایدہ کی اوراق تحقیقہ
مألندن اکلاشلش و حرکت واقعہ سی قانون جزانک
یوز سکسانجی مادہ سی حکمی مستلزم افعال جنائیہ دن
اولہرق ارزنجان بدایت محکمہ سی جزا دائرہ سندن
محاکمہ سی اجرا ایدلمک اوزرہ جنایتلہ اتہامہ قرار
ویرلش اولمغله مرقومک ہرزہ کوریلور ایسہ
در دستیلہ محکمہ مذکورہ توقیفخانہ سہ تسلیم ایدلمی
لازم کلہ جکی بالجلہ ضابطہ عدلیہ مأمورلرینک معلومی
اولق اوزرہ اشبو اخذ و گرفت مذکرہ سی ارضروم
هیئت اتہامیہ سندن بالتظیم اعطا قلندی.

ارزنجانک جلالیدور قریہ سندن حسین اوغلی
محمدی قل قصدیہ جرح ایللسندن طولانی مظنون
اولان داسکرد قریہ لی قہوہ جی سعیدک فعل مذکورہ
مجاہرتلہ فرار ایلدیکی اولبایدہ کی اوراق تحقیقہ
مألندن اکلاشلش و حرکت واقعہ سی قانون جزانک
۱۸۰ نجی مادہ سی حکمی مستلزم افعال جنائیہ دن
اولہرق ارزنجان سنجایگی بدایت محکمہ سی جزا دائرہ
سندہ محاکمہ سی اجرا ایدلمک اوزرہ جنایتلہ اتہامہ
قرار ویرلش اولدیغندن مرقومک ہرزہ کوریلور
ایسہ در دستیلہ محکمہ مذکورہ توقیفخانہ سہ تسلیم
ایدلمی لازم کلہ جکی بالجلہ ضابطہ عدلیہ مأمورلرینک
معلومی اولق اوزرہ اشبو اخذ و گرفت مذکرہ سی
ارضروم هیئت اتہامیہ سندن بالتظیم اعطا قلندی.

ترجان قضا سندن چامور درہ سفلا قریہ سندن محمد
اوغلی علی چاوش و برادری حسین و سائرہ نک اشیا

وحلیات و تقویدینک اخذ و غصب ایدلسندن طولانی
مظنون بولسان ارزنجانک سلومر قریہ سندن محمود
اوغلی ممشک افعال مذکورہ مجاہرتلہ فرار ایلدیکی
اولبایدہ کی اوراق تحقیقہ مألرندن اکلاشلش و حرکت
واقعہ سی قانون جزانک ۲۲۱ نجی مادہ سی حکمی
مستلزم افعال جنائیہ دن اولہرق ارضروم استیناف
محکمہ سی جزا دائرہ سندن محاکمہ سی اجرا ایدلمک
اوزرہ جنایتلہ اتہامہ قرار ویرلش اولدیغندن مرقومک
ہرزہ کوریلور ایسہ در دستیلہ محکمہ مذکورہ
توقیفخانہ سہ تسلیم ایدلمی لازم کلہ جکی بالجلہ ضابطہ
عدلیہ مأمورلرینک معلومی اولق اوزرہ اشبو اخذ
و گرفت مذکرہ سی ارضروم هیئت اتہامیہ سندن بالتظیم
اعطا قلندی.

ایکنجی تجارت محکمہ سندن :

باغچہ قپوسندن قاضی مسکر خانندہ ۲۲ و ۲۳
نومرولی او طہ لردہ مقیم تجارندن ولدزادہ جمال
و طوپخانندہ الیاس چلبی محلہ سندن بر نومرولی خانندہ
مقیم کراستہ تجارندن حسن بک زادہ حسین علوی
بکک ۴ کانول اول ۳۱۸ تاریخندن اعتباراً اعلان
افلاسلرینہ و مصالح افلاسلرینک رؤیت و تسویہ
سی ضمنندہ اعضا ملازمی عزتلو یانقو افندیکنک
ژورژ قومیسر و دعوی وکیللرندن عزتلو آکاک بک
ایلہ زہرابیان کورقور افندیکنک موقت سندیک تعینلرینہ
و مغازہ لرنده موجود امتعہ تجاریہ لریلہ اشیا زائدہ
بیتیلرینک تمہیرینہ و اوراق و دفاترینک جلبنہ و کفالت
مصدقہ معتبرہ ارانہ ایدہ مدکبری تقدیردہ حبس
و توقیفلرینہ و بوبایدہ کی قرارک موقہ اجرا سہ ایکنجی
تجارت محکمہ سندن قرار ویرلش اولدیغندن قانوننامہ
تجارتک ۱۷۰ نجی مادہ سی موجبہ دائمی سندیکلر
انتخاب اولنق اوزرہ اشبو بیک اوچوز اون سکر
سنہ سی قانون اولنک اون سکر نجی پنجشنبہ کونی
ساعت یدی رادہ لرنده اصحاب مطلوبک محکمہ مذکرہ
کورہ نک افلاس او طہ سہ کلری اعلان اولنور.

چارشوی کیردہ کی مغازہ سندن ساکن ایکن ایکنجی
محکمہ تجارتندن افلاسنہ حکم اولنش اولان آنتیقہ جی
حاجی عثمان بک خفیدی محمد علی بکک خصوصات
افلاسلرینک رؤیت و تسویہ سی ضمنندہ دعوی
وکیللرندن حسین فہمی و حسنی سلیم بکک اصلالہ
سندیک تعین قلنمش اولدیقلرندن مفلس مرقوم ذمتندہ
آلہ جفی اولنلرک قانوننامہ تجارتک ۱۹۹ و ۲۰۰ نجی
مادہ لری موجبہ تحقیق دیون ایچون تاریخ اعلانندن
اعتباراً یکرمی برکون ظرفندہ سنداتی محکمہ کاتبہ

تسلیم ایللری و مدت مذکورہ ختامندن صکرہ اوج
کوندہ یعنی اوچوز اون سکر سنہ سی قانون نانینک
ایکنجی پنجشنبہ و دردنجی جمعہ ایرتسی والتنجی بازار
ایرتسی کونلرنده ایکنجی محکمہ تجارتک افلاس
او طہ سہ کلہ رک سندیک افندیلر مواجہہ سندنہ
آلہ جققلرینی اثبات و قید و تصدیق ایتدیرملری و مدت
مذکورہ دہ اثبات وجود ایدہ میان آلہ جقلو حقندہ
قانون مذکورک ۲۱۰ نجی مادہ سہ توفیقاً ایفای معاملہ
اولنہ جفی اعلان اولنور.

بک اوغلندہ کائن (اوغران مغازن) نامیلہ
معروف مغازہ نک جہت معلومہ سی اشغال ایلہ تحفیہ
تجارتی اجرا ایدن « ال » دیاماندیدی شرکتک ۹
کانون اول سنہ ۳۱۸ تاریخندن اعتباراً اعلان افلاسنہ
و مصالح افلاسلرینک رؤیت و تسویہ سی ضمنندہ اعضا
محکمہ دن سعادتلو جیل بکک ژورژ قومیسر و دعوی
وکیللرندن سلیم حسنی و علیکساندر بیرام اوغلی
افندیلرک موقت سندیک تعینلرینہ و مغازہ سیلہ
خانہ سندنہ کی اشیا زائدہ بیتیلرینک تمہیرینہ و اوراق
و دفاترینک جلبنہ و کفالت ارانہ ایدہ مدیک حالہ
حبسنہ و بوبایدہ کی قرارک موقہ اجرا سہ ایکنجی
تجارت محکمہ سندن قرار ویرلش اولدیغندن قانوننامہ
تجارتک ۱۷۰ نجی مادہ سی موجبہ دائمی سندیکلر
انتخاب اولنق اوزرہ [۲۶ کانون اول سنہ ۳۱۸]
پنجشنبہ کونی ساعت یدی رادہ لرنده اصحاب مطلوبک
محکمہ مذکورہ نک افلاس او طہ سہ کلری اعلان
اولنور.

غلطہ دہ تونل جادہ سندنہ قانطو خانی آلتندہ مقیم
تجارندن د. و. ژ. انسٹاشادی شرکتک ۱۰
کانون اول سنہ ۳۱۸ تاریخندن اعتباراً اعلان افلاسنہ
و مصالح افلاسلرینک رؤیت و تسویہ سی ضمنندہ اعضا
محکمہ دن سعادتلو رضا بکک ژورژ قومیسر و دعوی
وکیللرندن صوقرادی و ماناسی افندیلرک موقت
سندیک تعینلرینہ و مغازہ سیلہ اشیا زائدہ بیتیلرینک
تمہیرینہ و اوراق و دفاترینک جلبنہ و بوبایدہ کی قرارک
موقہ اجرا سہ ایکنجی تجارت محکمہ سندن قرار
ویرلش اولدیغندن قانوننامہ تجارتک ۱۷۰ نجی مادہ سی
موجبہ دائمی سندیکلر انتخاب اولنق اوزرہ شہر
کانون اولک یکرمی سکر نجی جمعہ ایرتسی کونی
ساعت یدی رادہ لرنده اصحاب مطلوبک محکمہ مذکورہ
رہ نک افلاس او طہ سہ کلری اعلان اولنور.